

## 日本對華貸款之時機

海期

本文譯自日本『支那』雜誌。按吾國自政變以來。國帑空虛。民生凋蔽。朝野上下。咸主張大貸外債。以濟財用而發富源。夫以積貧寔弱之國。而稱貸於列強。於國計民生。有百害而無一利。所謂剝肉補瘡。飲鴆救渴。殆爲近之。然外人於吾國舉債時。必多方撓阻。要挾如盤馬彎弓。故不肯發者。豈以有所吝惜而不我予歟。蓋各存壟斷之私。而預爲怙權之地耳。閱此篇竟。可以恍然矣。譯者識。

## 一 列強之貸款競爭

中國自辛亥革命以還。列強對於其所持之方策。已幡然一變。若恢復前此所取之勢力範圍政策。以并力於利權之競爭。故於五國銀行團之特權（即以中國有政治上貸款之權）以外。有所謂經濟貸款者。其利權之爭奪。愈演愈劇。如鐵道。則沙市興義也。欽州重慶也。

江寧長沙也。高密徐州也。濟南道口鎮也。北滿洲也。實業。則陝西之煤油也。漢口之建築市街也。武漢之架設橋梁也。北京之市營事業也。淮河之疏濬水利也。此種種利權。已瓜分豆剖於英美俄法德比五六強國之手。其儼然僅存者。已無幾矣。近且攘其虎臂。以紿奪吾日既得之利權。如江蘇鐵道貸款權之奪於英。三菱公司所獲大冶貸款權之奪於德。在歐洲戰事未啓時。漢口水電公司與江西鐵道之貸款權。已入於吾日東亞興業公司之手。而幾爲中英公司及中華實業銀行所奪。蓋吾日於中國數十年以來。所擘畫經營者。將悉成泡影矣。夫吾日向以保全中國之疆土爲職志者也。且嘗以此而卒與強大之俄羅斯。蹶然一戰。用以維持東亞大局之平和。在吾日固無利得他人土地之心。然詎無藉以發展本國實業之計。曾幾何時。蹉跎自誤。舉中國

強半之利權。悉陷入列強之勢力範圍。吾國人能無所  
恫於中歟。雖然。中國利權之分割。其咎固由其自取。而  
吾日之所以得而復失者。實以國中資財缺乏。富豪之  
民。又莫肯爲國外之利殖。此事實無可爲諱者也。


## 二 日本貸款之時機

盛哉。自歐州戰爭勃發以來。吾日於英俄聯合各邦。嘗  
竭其全力以供給武器軍需。以勉盡協同作戰之責。且  
以歐洲工商各業之停輟。而吾日之產業乃大張。每歲  
輸出貿易之額。遂超出於輸入之外。而國力以伸。對於  
英俄兩國所頒行之債票。應募者衆。投資之途。關而塵  
市之間。金貨流用之數益增。據銀行業者所調查。謂大  
正四年（民國四年）歐戰發生之第二年。溢於市塵所  
需之金貨。都二億圓。而大正五年所溢之額。幾五億圓。  
設大正六年戰事猶未熄時。則必逾七億圓之鉅矣。然  
漫爲斯說。未免近於自誇。在五年間之浮溢金貨。應爲  
三億圓以上。則誠無疑。以故近頃以降。吾日對於中國

全國生計之發展。遂得以因應自如。而一洒前者資金  
匱乏之恥。在前此攘臂虎虎之歐人。竟退居袖手之地。  
以還我殖產興業之自由。况邇來戰事方酣。媾和之機  
屆而復逝。吾國人不當乘此時機。運此鉅萬之餘資。以  
投諸此大好之市塵乎。千載一時。國人其慎無因循畏  
縮。交臂失之。

## 三 邇來日本在各方面之貸款

蓋吾日富豪之民。及銀行業者。對於中國之貸款也。多  
厭薄不前。吾政府亦嘗餌之以厚利。盾之以強權。而擁  
有資金者。仍熟視無睹。自兩年以來。國內金銀充斥。乏  
流用之途。始不得已而爲國外之利殖焉。以故大倉三  
井古河三菱諸公司。嘗與中國有通功易事之關聯者  
勿論。卽住友久原安川諸氏。從未涉足於彼邦者。亦慷  
慨投資。以致現今在中國之各地域。咸有國人之資力  
存乎其間。則誠吾日莫尚之榮矣。惟細察國人投資之  
事。多屬意礦山。而於鐵礦爲尤甚。良以吾日非產鐵之



34228

邦。未能謀武器之獨立。茲值歐洲戰亂之際。鋼鐵需求之量益增。國人咸集射及此。故中日實業公司。自安徽桃冲山締購買鐵礦之約。欲利賴之以製造鋼鐵。因創設製鐵公司。凡資本金二千萬圓。次則安川氏以五百萬圓之資。與漢冶萍公司爲合辦製鋼廠之約。又次則南滿鐵道公司。據中日新約。與奉天督軍合採鞍山站之礦。以資冶鍊。凡資本金一千萬圓。他如大倉組之於山東金嶺鎮。及江蘇鳳凰山之採掘鐵礦。古河公司之於山東歷城之購買鐵礦。住友久原等。亦各於其國內鐵礦。有所規畫。此吾日資本家措意於鍊鐵事業之明證也。若其他殖產事業。則尙不多觀。其重要者。各滿蒙土地之經營。南滿甜菜製糖公司之設置。（按製糖公司。自民國五年設於滿洲。資本金一千萬圓。即由發起之日人分認股本。不另募股。據其所列之預算。年可獲息二分以上。）長沙湖南銀行之創建。上海住友分銀行之擴充等。此後國人於此等事業。尙宜加意講求也。

此外於中國實業借款。亦所宜著鞭先占者也。蓋自歐戰以還。中國官民。依賴歐洲借款之途已絕。其窘迫之狀殊甚。且以三次革命之故。其財政已焚如亂絲。國人遂乘時并起。則如興亞公司。於水口太平兩礦山。貸債額達五百萬圓。如中日實業公司。以造紙廠之貸債。亦二百萬圓。北京漢口之電話借款。蓋亦二百萬圓。最近日本興業公司與臺灣朝鮮兩銀行。於其國交通銀行。復發生貸債之議。（按此項借款。近已簽字。債額爲日金五百萬圓。以國庫證券作抵。）今後其國之中央以及各省。借款之事。猶方興未已。不可謂非吾日前途之曙光也。

如右所述。吾日對於中國各種事業之投資。雖能分道程功。然投資之總額。以較存於國內之遊資。尙未逮十之一二。蓋灌輸資本於中國。以視自英俄列邦。購入公債。則獲利之厚。必數倍無疑。且國人之於中國。皆能各償其所欲。以爲所樂。爲。詎比承買公債。僅能年獲有限

之息金者哉。值此大好投資之時。倘漫不加察。而任其從容逸去。則彼懷挾數十百倍之豐富於吾日者。必將繼起而壟斷之矣。

#### 四 美利堅之駁進與日美之提攜

彼深沐歐洲戰爭之所賜。而坐享漁人之厚利者。非隔離一衣帶水之美利堅耶。美人趁此大戰縣延之際。出其軍械餉糈。以供交戰團體之兩方。因以獲不資之厚利。其對於歐西各國之宿逋。已強半償還。且進而取得海外之債權矣。自大正四年（即民國四年）彼邦著名之資本家。嘗以一億圓資本。爲組織國際企業協會。尤加意於中國之規畫。以試其飛躍之鋒。邇來該協會更聯絡本國豪儉。爲各項貸財之舉。至今猶嚴守祕密。日處於疑雲暗雨之中。其暴露於新聞日報者。如毘支鏗鎖公司。於中國公債之承收。如疏浚運河借款。如八百英哩之某鐵道借款。如煙酒公賣稅之指貸借款等。則功在垂成者已。又如倡議數年之業。如創設中美銀行。

如組織中美汽船公司。當大正四年時。中國實業觀光團。曾攜手紐約都城。以敦促此盛業之進行。就令歐洲戰事。行將告終。歐洲諸強國。咸急於善後之設施。必不遑兼顧中國。其向與中國締結各種路礦借資之約者。所有未經交付之額。應在六億圓以上。而不能不仰給於美人矣。是故美利堅必代歐洲各強國。而獲得中國至鉅之債權。亦意計間事也。惟吾日對於中國。數十年來。嘗占於優越之地。任何國家。皆不能淡漠視之。而今美人。欲於中國有尺寸之土地。與片段路礦之權。苟非經吾日本之承諾者。殊屬不能。故違反吾日之意思。而強爲投資於中國之舉。則僵敗亦必隨之。此中情事。即美人亦已知之。近者美之實業鉅子克利氏。嘗遊歷吾日及中國各埠。而有所考察。迨返國後。即倡言日美經濟之提攜。蓋中國擁膏腴之土。寶藏之富。皆蘊而未發。如日美兩國互相尊重其主權。而各不相侵。則發展東亞大陸之富源。誠綽有餘裕矣。故日美兩國之於中國。

34230

不惟無權利競爭之必要。而以協力提攜之誼。於中國之國計民生。悉可以兩國之意思而操縱之。是非兩國之大利者歟。今也不幸。日之與美。以意思隔離之故。輒致措施乖戾而各不相謀。不惟吾日所蒙之損失。已覺不資。即美人當亦深感其不利也。是則不得不歸咎於兩國之自誤矣。

譯者按日人處心積慮。可謂工矣。其心若曰。日本本無羨餘之資。可以貸人。而又懼為美人所專獲。若美人就我馳驅。則逕可取彼餘資。以供吾優越地位者。

之經營。此其所謂相互提攜之道也。若美人非得日本之承諾。而為單獨投資之舉。則日本必竭力反對之。以故吾國政府。數月以來之借款成績。前則輕以兩省礦區為指貸之用。茲復以交通銀行名義。借日金五百萬圓。其他秘而未宣及議而未成者。在日人言之。則歷歷如數家珍。而所謂美國借款。則仍至今無望。蓋吾舉國上下。皆徒知分利而不生利。遂至以倚賴他人之資財為生活。尙何有債權選擇之餘地耶。悲夫。

梁啟超先生著

# 飲冰室叢著

商務印書館發行

全書四千餘頁  
特製四巨冊每冊二元  
常製二十冊八元  
共計二百萬言

◎常製分冊價目詳圖書彙報